


Kvara (4-a) leciono.



Cambro. Fenest-
ro. Plafono.
Planko. Pordo.

Kie ni sidas? Ni sidas en la ĉambro?

Kie estas la seĝoj? Kie estas la planko? Kie estas la ĉambro? (En la domo.) Kie estas la domo? Ĉu la fenestro estas granda? Kie estas la seĝo. (Sur la planko.) Kie pendas la lampo? (Sur la plafono.) Ĉu la pordo estas ruĝa?



Forta.

Ĉu la sinjoro estas forta? Ĉu vi estas forta? Ĉu la atletoj estas fortaj? Ĉu la muso estas forta besto?

Kiu vi estas? (Mi estas sinjoro A., sinjorino B..)

Kio vi estas? (Mi estas lernanto, lernantino.)

Kia vi estas? (Mi estas juna, forta.)

Kia la tablo estas? Kia la elefanto estas? Kia la muso estas? Kia la ĉokolado estas? Kia la ĉambro estas? Kia Adamson estas? Kia la ĉielo estas? Kiaj la atletoj estas? Kia estas Esperanto?

Edzo. Edzino.



Ĉu la sinjoro estas granda? Kia li estas? Kia estas la sinjorino? Ĉu la sinjoro estas edzo? Kiu estas la edzino? Ĉu vi estas edzo? Kie sidas la sinjoro? Ĉu la edzino sidas? Ĉu ŝi estas bela? Kia ŝi estas? Ĉu la sinjoro skribas? Kiu legas?

Li kuiras en la kuirejo.



Ĉu la edzo legas? (Ne, li ne legas, sed li kuiras.)

Ĉu vi kuiras? Kiu kuiras? Ĉu li kuiras en la ĉambro? Ĉu vi lernas en la kuirejo? Kie li kuiras?

Ĉu la sinjoro telefonas en la kuirejo. (Ne, sed en la telefonejo.)

Telefonejo.



Ĉu la homoj dancas en la telefonejo? (Ne, sed en la dancejo.)

Ĉu la atletoj kuras en la sportejoj?

Ĉu la infanoj lernas en la kuirtejoj? (Ne, sed en la lernejoj.)

Kie la homoj kuiras? Kie la infanoj lernas? Kie vi telefonas? Kie vi dancas? Ĉu vi sidas en la kafejo? Kie vi sidas? Kiu kuiras en la kuirtejo?




Li estas malbona kuiristo.

Ĉu la instruisto lernas? Kiu instruas? Ĉu la kuiristo instruas? (Ne, sed li kuiras.) Ĉu la sinjoro estas bona kuiristo?



Kiu venas? Kia estas la edzino? Ĉu ŝi estas feliĉa?



El la domo.

Ĉu la sinjoro kuiras en la kuirtejo? Kiu flugas el la kuirtejo? Kia estas la domo? Ĉu la sinjorino estas forta? Kia estas la edzo? Kiu restas en la kuirtejo?

Ĉu la sinjoro flugas? Ĉu la kanario flugas? Ĉu la sinjoro estas kanario?

Li ne estas kanario, tamen li flugas.

Ĉu vi komprenas min? Ĉu vi estas perfekta esperantisto? Ĉu vi tamen komprenas min?



Li fumas.

Kiu fumas? Ĉu vi fumas?



Ĉu li manĝas ŝin? Kiu kisas ŝin?

Li kisas ŝin. — Li: la sinjoro. La sinjoro kisas ŝin.

Ŝi — la sinjorino, la fraŭlino, (=ne edzino, juna sinjorino). Ŝin, sinjorinon, fraŭlinon.

Li kisas ŝin — La sinjoro kisas la sinjorinon, (fraŭlinon).



Adamson sidas kaj fumas. La papilio sidas sur la fraŭlino.

Kiuj sidas? Kia estas la fraŭlino? Kia estas la benko? Ĉu la granda fraŭlino skribas? Ĉu Adamson estas granda? Kia li estas? Ĉu Adamson legas? Kiu fumas? Ĉu la granda fraŭlino fumas? Ĉu vi fumas? Kia estas la kato? Ĉu la kato estas blanka? Ĉu la kato iras? Kio sidas sur la fraŭlino? Ĉu la papilio estas granda? Ĉu ĝi estas bela? Kia la papilio estas? Ĉu Adamson estas juna? Kie ili sidas? (Sur la benko.)



La kato batas la fraŭlinon.

Ĉu la kato batas la papilion? Ĉu la libro kuŝas? Ĉu la papilio falas? Kio batas la fraŭlinon? Ĉu Adamson batas la fraŭlinon?



La forta fraŭlino rigardas.

Ĉu la forta fraŭlino rigardas la katon? Ĉu la forta fraŭlino rigardas sinjoron Adamson? Kiu rigardas vin?



La kato sidas sub la benko. La cigaro falas.

Ĉu la forta fraŭlino kisas sinjoron Adamson? Kie estas la nigra kato? (Ĝi estas sub la benko.) Ĉu la tablo staras sub la lampo? Kie staras la tablo? Sub kio estas la nigra kato? Kiu batas sinjoron Adamson? Kiun batas la forta fraŭlino?

Mi amas
fraŭlinon,
mi ŝatas
ĉokoladon,
libron...




Ĉu vi amas fraŭlinon? Kiun vi amas? Ĉu vi ŝatas ĉokoladon? Ĉu vi ŝatas muzikon? Ĉu la hundo amas la katon? Ĉu vi ŝatas katon? Ĉu vi ŝatas aŭtomobilon?

Ĉu vi ŝatas floron? Kia estas la floro? Ĉu la banano estas bona? Kion vi amas?



La riĉa homo havas domon, aŭtomobilon, diamantringon kaj monon. Ĉu vi havas diamanton? Ĉu vi estas riĉa? Kia vi estas? Ĉu vi havas libron? Kiu havas monon? Ĉu vi havas kuirejon? Ĉu vi havas edzinon?



Pomo. Piro.

Ĉu vi manĝas bifstekon? Ĉu vi ŝatas bifstekon? Ĉu vi manĝas ĉokoladon? Ĉu vi ŝatas bananon? Ĉu la kato estas frukto? Ĉu la pomo estas bona frukto? Ĉu vi ŝatas piron? Kia estas la piro?

La ĉokolado, la piro, la banano estas dolĉa. La citrono estas acida.

Acida citrono, acidaj citronoj.

Acidan citronon, acidajn citronojn.

Ĉu vi havas esperantajn librojn? Ĉu vi rigardas bonajn filmojn?



Kelkaj.



Multaj.

Ĉu vi havas kelkajn librojn? Kiu havas multajn domojn? Ĉu vi ŝatas multajn florojn en la ĉambro? Ĉu vi ŝatas belajn florojn sur la tablo? Ĉu vi havas multajn ĉambrojn?

La elefanto staras.
Ankaŭ la hundo staras.



Ĉu la elefanto staras? Ĉu ankaŭ la hundo staras? Ĉu la hundo estas besto? Ĉu ankaŭ la muso estas besto?

Mallonga historio.

Adamo kaj Evo ne estas homoj. La homoj manĝas, trinkas, iras, ridas, ploras, sed Adamo kaj Evo jam ne manĝas, trinkas, iras, ploras, ridas. Ili jam ne estas homoj, sed ili estis homoj. Ili ne manĝas, trinkas, sed ili manĝis, trinkis...



Arbo.

Ĉu vi sidas en la ĉambro? Ĉu Adamo sidis en la ĉambro? Kie estis Adamo kaj Evo? Ili estis en la paradizo. Ĉu vi estas en la paradizo? Kie vi estas? Kio estis la paradizo? Ĝi estis granda ĝardeno. Ĉu en la paradizo estis multaj floroj kaj arboj? Kio pendas sur la arboj? Kie sidis Adamo kaj Evo? Ili sidis sur la fevo sub la arbo? Vi manĝas bifstekon, ĉokoladon. Ĉu Adamo manĝis bifstekon, ĉokoladon? Kion li manĝis? Ĉu li estis vegetarano? Ĉu vi estas vegetarano? Ĉu vi trinkas kafon, teon, vinon, bieron? Ĉu Ada-

mo trinkis kafon, teon, bieron?
Kion li trinkis?

Ĉu vi havas radioaparaton? Ĉu
Adamo havis radioaparaton? Ĉu
li havis telefonon? Ĉu li havis aŭ-
tomobilon? Ĉu la serpento parolis
en la paradizo?

La serpento diris: Evo, *mangu*
pomon.

Ĉu Evo manĝis pomon? Ĉu ŝi
ŝatis la pomon?



Adamo kaj
Evo estis
malbonaj.
La anĝelo
parolis:
Iru el la
paradizo!

La anĝelo diris:

Adamo kaj Evo, vi estas mal-
bonaj homoj! *Iru el la paradizo!*

Kaj ili estis *tre* melankoliaj, ili
ploris kaj ili iris el la bela para-
dizo.

Ĉu vi bone komprenis la histo-
rion?

Sinjoro, sinjorino, (fraŭlino),
lernu, legu, skribu, parolu Espe-
ranton! Estu *perfekta* esperantis-
to.

Bonan nokton!

